

文翰大成

八十三之四

七言絶句元

漢書門類	三六四一	三四一	一〇〇
函號	一四三	四	冊
架			

三六四一	三四一	一〇〇
函號	一四三	冊
架		

内閣文庫	
番號	漢 3741
冊數	100 (52)
函號	362 08

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak



綴じ部(喉部分)の文字など開きが不鮮明な箇所あり

文翰類選大成卷第八十三七言絕句

漢錄
平文庫

趙子昂四首元裕之四首劉意吉計五首安熙二首

虞伯生六首馬伯庸四首范椽機二首袁伯長四首

楊仲弘計一揭曼碩二首黃子庸十首薛宗海三首

黃晉卿九首陳衆仲十首李季和六首甘允從五首

貢泰甫一首余廷心四首倪元鎮一首薩天錫六首

辛好禮一首成廷珪三首徐秋雲二首張伯遠二首

孫元哲一首劉子建六首杜文五一首楊漢然十首

楊正卯五首許仲平一首何得之七首宋衡三首

李文房一首郝伯常計一姚端甫二首周景遠計五

胡汲仲三首王繼學八首毛靜可六首揭希壽五首



曹子貞 二首 王仁父 九首 王止善 一首 魏初 一首
 李俊民 一首 劉祁 一首 李仁卿 二首 徒阜公 獲一首
 馮渭 一首 趙復 一首 劉辰翁 二首 孟舉麟 一首
 劉秉忠 一首 張孔孫 一首 商挺 二首 王思廉 二首
 張礎 二首 陳儼 一首 高克恭 七首 李泉 二首
 王結 一首 張希孟 一首 王執謙 一首 陳觀 二首
 張淳 一首

文翰類選大成卷第八十三 七言絕句目錄

文翰類選大成卷第八十三

左長史上海李伯輿編輯
 伴 讀慈谿馮厚抄正

詩類 七言絕

元

杭州雨中

趙子昂

江南十日九風雨 花柳欲開無好春 却憶京城二三月 秋千風暖漲香塵

部中莫歸寄周公董

口莫空皆生白烟 歸來羸馬不勝鞭 明朝又逐鷄聲起 辜負
 高花影眠

和黃景慶雲中即事

公事幽閑子不知微官束縛我堪嗤
年來筆硯荒蕪甚旋理
耨鋤惡詩

梅花

瀟洒江梅似玉人倚風無語澹生春
曲中桃葉元非侶夢裏
梨花恐未真

湖上莫歸

春陰柳絮不能飛雨足蒲芽綠更肥
祇恐前詞驚白鷺獨騎
款段繞湖歸

題水仙

翠袖盈、不受扶天風縹緲降麻姑
便應從此東吳去幾見
蓬萊弱水枯

題杜陵浣花

春色醺人苦不禁寒驢默醉晚
江花江草詩千首老盡
平生用世心

絕句七首

春寒惻、掩重門金鴨香殘火尚溫
燕子不來花又落一庭
風雨自黃昏

午枕花前簟欲流日催紅影上簾鉤
窺人鳥喚悠揚夢隔木
山供宛轉愁

庭槐風靜午陰多睡起西牕日影過
自笑老來無復夢開看
行蟻上南柯

古墨輕磨滿几香研池新浴照人光
北窗時有涼風至悶寫
黃庭一兩章

草長庭前不用鉏自然生意滿吾廬
何須直待生書帶始信

康成解著書

湘簾疎織浪紋稀白竹新栽暑氣微
庭院日長賓客退曉池
芳草燕交飛

梅花開盡雪飄零楊柳青
春水生一夜東風吹
鴈過江南
江北故鄉情

懷宋齊魯田師孟

濟南山水異他州期會相仍不得游
安得只今官便罷買鷄
夢酒上扁舟

東城

野杏桃花紅粉姿
陌頭楊柳綠烟絲
不因送客東城去
過却春光總不知

鄆南山中

山深草木自幽清
終日聞鶯不見鶯
好作束書歸隱計
蹇驢來往聽泉聲

次韻張剛父即事

玉樹凋傷衆草黃
夜虫私語蕊流光
美人望隔秋水不寄
相思書一行

題范蠡五湖

功名自古是危機
誰似先生一拂衣
好向五湖尋一舸
霜黃木葉鴈初飛

蒼林疊嶂圖

采芡未成鴻漸隱
丹青聊作几頭癡
久知畫盡非兒戲
到處雲山是我師

將還都寄鄉中親友

圖書跌蕩二毛初憂患年來心事無仕若可歸吾已去西風
何待憶黃鱸

雨中悶坐和答仇仁八

閉門飲酒亦不惡可奈客愁如雨何連天風雨有晴日若比
客愁猶未多

以畫寄高仁卿

碧山青曉護晴嵐綠樹經秋蟹色酣誰是丹青三昧手為君
滿意畫江南

都下即事

盡日車塵馬足間偶來臨水照愁顏故鄉兄弟應相憶同看
溪南柳外山

惠崇蘆鴈二首

元裕之

寒沙折葦靜相依故國春風早晚歸意外羈栖誰畫得羽毛
單薄稻梁微

江湖牢落大愁人同是天涯萬里身不似畫屏金孔雀離離
花影淡生春

聞歌懷舊遊

樓前誰唱六么催千里梁園自重回記得杜家亭子上信之
欽月共聽來

許由擲瓢音

不知黃屋不知堯喧寂何心許一瓢我是許由初不尔只將
盛酒杖頭挑

銅雀瓦

劉夢吉

諸侯負漢已堪憐直筆何為不魏編却愛曹瞞臺上瓦至今

猶屬建安年

朱孝子割股詩卷

救本戕支亦可憐粉身爭忍以前天詩書明日良心在應對
瘡痕一泫然

讀史評

記錄紛々已失真語言輕重在詞臣若將字論術恐有
無邊受屈人

米元章雲烟壘嶂圖

筆勢咸傳是阿章短屏山影微茫苦心只辦雲烟好不救
人呼作米狂

萬壽宮館舍

來時殘雪點征衣落盡庭花出未歸夢裏不知身是病春衫

歸路馬如飛

幽人音

澗響無心和考槃雲谷有意近長安野猿窺破中宵夢却恐
山靈不易謬

書事五首

當時一線魏瓠穿直到橫流破國年草滿金陵誰種下天津
橋畔聽啼鶻

卧榻而今又屬誰江南回首見旌旗路人遙指降王道好似
周家七歲兒

朱張遺學有經綸不是清談誤世人白首歸來會同館儒冠
爭看宋師臣

風節商朝苦不伸泝流直要到崑崙世宗一死千年欠此是

黃河最上源

唱徹芙蓉花正開新聲又聽采茶哀
秋風葉落踏歌起已覺江南席卷來

山寺早起

松窓一夜遠潮生
斷送幽人睡失明夢覺不知春已去半簾紅雨落無聲

山行

西崦人家竹映溪
山深雨暗到來遲行窮谷口水才見流盡巖花春不知

山家

馬蹄踏水亂明霞
醉袖迎風受落花怪見溪童出門望鵲聲先我到山家

寫真詩卷

龍祠嶽廟盡冠巾
雨露何關土木身不是二程窮物理誰從一髮辨天真

杏花始開小酌二首

安熙

生紅和露滴胭脂
又到芳春寂寞時便擬提壺花下醉却愁羞殺背陰枝
杖藜吟澆去還來收拾春光入酒盃自是風花要題品等閑蜂蝶莫相猜

青山白雲圖

虞伯生

獨向山中訪隱君
行窮千澗水法法仙家更在空青外只許人間禮白雲

水夫容

長洲宮沼醉西施蕩漾蘭舟不自持
願奉君王千歲樂一盤
清露玉淋漓

木芙蓉

九月襄王燕渚宮霓旌翠羽度雲中
滿汀山雨衣裳濕宋玉
愁多賦未工

錢舜舉折枝芙蓉

白髮多情憶劔南
秋風溪上看春酣
剪來一尺吳江水擬比
千花耀錦潭

商德符小景

五老峰前數往來
紫雲如蓋蔭崔嵬
十年京國頻看畫最愛
高僧坐石苔

題古木畫

高秋木落洞庭空
岳陽城南多晚風
蛟龍夜護玉壇古
劍影長留明月中

子昂幽蘭脩竹

舊時長見揮毫處
脩竹幽蘭取次成
欲把一竿茗水上
鷗波千頃看雲生

送上黨長

春雨人參長紫苗
縣庭無事坐終朝
俯看雲氣千山表
野有新田市有謠

題柯敬仲雜畫

夢裏江南憶舊游
明璫翠佩不勝愁
一鈎纖月清如水
吹笛何人共綵舟

題著色山圖

巫山空翠濕人衣
玉笛凌虛韻轉微
宋玉多情今已老
間雲間雨是耶非

題子昂蘭石

汀草離離石老蒼
行吟何處樂清狂
江中遺佩相思久
莫待明年春蕨長

題黃敬仲虎齒

當時玉帳蜀雲西
坐嘯風生草木低
傳寫餘威千載外
空山藜藿尚萋萋

朝迴

雨裏輕塵道半乾
朝回隨處借花看
京城幾樹垂楊柳
飛絮時來近馬鞍

菊中作

舊屋已屬他人家
躊躇且復立江沙
欲從子雲訪墨沼
更問少陵尋浣花

題趙承旨躑躅畫眉

山鳥春深不自由
曉聲併作杜鵑愁
東風綵筆都題徧
不到離鸞桂影秋

題王母畫二首

瑤草春深晝日閑
靈芝清露自怡顏
雙成吹徹參差玉
八駿人間去不還

黃竹遺墟白雪高
空乘戴勝鄉晨噪
茂陵多欲非仙器
枉賜金槃五色桃

絕句

閩州城南天下稀
海棠參天鸚鵡飛
百年心事付蕭散
老著

西江未得歸

聽雨二首

屏風圍煖髮，繆繆絳蠟搖。光照暮酣京國多年情，盡改忽聽
春雨憶江南。

何處他年寄此生，山中江上總閑情。無端繞屋長松樹，盡把
風聲作雨聲。

偶題

文章光燄貫長虹，來者無窮往者空。頭白眼昏心力盡，高堂
深夜燭搖紅。

明皇出遊圖

輦路風微曉，霧開華清宮。裏看花來五王走馬誰先醉，倒着
宮袍去不回。

浣花醉歸圖

浣花溪上青山遠，萬里橋頭綠水深。紅濕錦宮春氣重，籃輿
何日却相尋。

庚午廷試次韻二首

待漏宮門聽鑰開，袖中進卷總賢才。奏名殿裏千花合，傳勅
階前好雨來。
千花覆檻柳垂絲，晝刻傳呼淑景移。聖主自觀新進策，侍臣
簪筆立多時。

曹將軍馬

高秋風起玉關西，踏鐵歸朝十萬蹄。貌得當時第一匹，昭陵
風雨夜聞嘶。

題柳道傳詩卷

馬伯庸

九曲珠穿蟻度絲雙環鏡透月輪虧人間自有鷓鴣信早奏
簫韶見鳳儀

御溝春日偶成

御溝流水響潺潺直似長虹曲似環流出宮墻綠一尺便分
天上與人間

折枝牡丹

洛陽春雨濕芳菲萬斛胭脂染舞衣帳裏金盤承蜜露東家
胡蝶不須飛

擬夫人閨春帖子

繭館絲絲濕翠翹夫人纖指織龍綃羅襦雙珮清晨響只恐
君王有晏朝

以瓊扇一握奉致黃明府

范德機

拾得炎州月一團殷勤持贈比琅玕情知已是秋風後留作
明年九夏寒

鍾陵夜宿聞鍾

中年江海夢靈皇夜半聞鐘似上陽一百八聲猶未已更兼
雲外鴈啼霜

錢生幽禽圖

誰人剪下碧梧枝誤落西風粉墨池立斷小禽飛不去朝陽
何事鳳鳴遲

渡端州峽

權郎得便泝清流忽報舟前曉霧收蠻語酬人翻自苦好山
不敢問何州

挽西蜀

先生

八十猶傳隱者名乾坤未是負先生無端白帝城邊水欲載
哀歌上玉京

憶得

憶得佳人白紵詞幾將天外數歸期自從落盡庭前樹夜
秋聲總不知

聞東鄰夜歌

促指繁歌涕不停月高絃語轉明星莫令知有西鄰客獨坐
挑灯看六經

臨觴

幾見春鐘度上陽隅因寒盡強臨觴故鄉只在車輪下自是
青雲道路長

懷臨江寓居

不羅峰北滄西頭寄住林塘數畝幽比及到家猶是客對人
強自說鄉愁

院中夜直

此身只似到南州莎草寒鷄一片秋後夜玉堂誰上直料應
少睡更多愁

靈應宮

萬花如繡擁朱宮上界嚴祠望碧空一十二時春百刻日長
半在鳥啼中

瓊州出郭

自出瓊州古郭門更無平衍似中原重葉暗槐柳兩知是
黎人第幾村

聞角

西風嫋々拂弓旌千里來
曉角聲縱復淒涼歸未忍
炎州此外更無城

懷京城諸公書匡州驛四首

甚憶清河元侍講
送行猶有玉堂詩
只今夜々龍頭月照見
征人有所思

復憶濟南張吏部
作新文氣壓諸公
佳兒亦是門生輩
尚想他年似若翁

繡衣御史果能文
蜀道新來有李君
記得京城黃菊爛
為余來查董將軍

好為文字吾雄甲
精切于今孰與傳
說著奉常虞博七
恨渠猶不見匡州

池館夜坐聽雨

更聲隨雨動
門頗似聽泉
宿楚原客裏
青灯如骨肉
獨能相待至黃昏

懷東坊

帝城東下有柴扉
手種黃花宅四圍
歲々年年得相見
如今亦似故人稀

福州雜詠三首

前日題書自候官
計程今日到雲端
家人定得平安字
最念癡雛不解看

海隅霜熟蠟房肥
師子橋東望翠微
安得建陽一斗酒
少隨甘旨到柴扉

溫陵吏在郡南偏
是中長有北來船
欲問佳音向天末
卜箇柴門潮港邊

海狗巢石圖

表伯長

靈壁層峰負六鰲藥欄花檻翠周遭如何畫史同群吠不與
君王繪旅藪

葛仙翁移居圖

翁媪相入翠微轉頭猶有可憐兒丹砂不是神仙藥勾漏
歸來髮已絲

宮女度曲圖

望瀛法曲紫霞觴更按伊州奉玉皇翠竹涼深宮院密新聲
那得過宮牆

次韻王繼學竹枝宛轉詞

聞郎腰瘦寄當歸望盡天邊破鏡飛昨夜燈花圓似粟倚門
不肯送郎衣

偶題

楊仲弘

藏名匿跡黃塵中日抱書案心冥濛墻頭花變兩三色又是
一年看春風

竹石詩

竹前恠石起參差篔簹竹蔭深使客疑
過瀟湘江上路鷓鴣
啼罷日西時

次韻雪

若有神人為散花往來揮洒任橫斜
乘龍忽忽行天上何不
斯須過我家

題畫兔呈伯庸學士

姮娥乞與長生藥自可騰雲入月中竊食豈問多利害飢鷹
奮翼待秋風

宿浚儀公湖亭二首

夜宿湖亭水氣涼四更風露濕衣裳空濛霧重前山暗屋角斜明是月光

兩兩三三白鳥飛背人斜去落漁磯雨餘不遣濃雲散猶向前山擁翠微

題水仙花

花似金盃薦玉盤炯然光照一庭寒世間復有雲錦子獻與嫦娥月裏看

紀夢

四面青山擁翠微樓臺相向闕天扉夜闌每作遊仙夢月滿瓊田萬鶴飛

題十二紅卷子

碧桃枝上有珍禽調舌交交好音畫出江南春意思明年携酒共追尋

題鍾呂傳道圖

濟山曾聞有大才超然脫屣去塵埃劍光昱々今何在上下乘龍戲九垓

題鄭子真畫像

躬耕谷口襟編民寧肯懷金如賊臣揚子解言如許事不知執戟是何人

泉子嶺二首

揭曼碩

已過泉子峰頭路荒甸茫茫石草乾日暮不收牛馬亂青烟起處是營盤

金衣翠帽路傍女蹋足連聲駕犢車車下晝眠車上宿每逢

水草便為家

海子上有期

黃子肅

金堤晴日共鳴鑿傾蓋松陰
何早朝數盡荷花數荷葉碧雲
移過水東橋

懷友時住夏玉泉山

遠水平林翠遶城秋來風雨
離情玉泉千尺梧桐樹月下
時聞落葉聲

偶題二首

永夜觀兒課舊編小窗燈火
心當半曲肱自笑不成寐月上
瑤琴第五弦

雪夜題書玉署深思山便欲
可瑤琴征鴻若問平安信河漢
東流是此心

題番陽方氏心遠亭二首

湖上千峰碧染衣琴軒春雨
白鷗歸無人共語乾坤外燕子

南來鴈北飛

柴門垂柳曉啼鴉露送苔封
若藥芽分得番陽雲一半自携

春雨種黃花

登岸書所見寄魏亭

紫霞搖日花滿川漁翁不歸
隴在舡白雲悠然渡水去平野
秋色青連天

寄劉鳳溪時有麻源之約不果往

南國佳人鬢欲絲仙壇孤負
木花期多情惟有東橋水法
到瓜州月上時

題牧牛圖

平原雨多烟草浮牧童驅牛如
挽舟柴門正在水深處青山
流過屋西頭

送馬編脩

軍山流水繞盱城曾寄維舟
曉鶯君過柳陰聊駐馬春風
葉是離情

題捕底首

薛宗海

蕊珠宮闕見毫釐中有群仙
披羽衣莫訝此首天地窄黍
珠境界更希微

題四馬首

世上駕駘眩凡目祇今誰識
匡中龍昂頭根鬣長鳴處似
向秋風訴未逢

糟豚蹄東陽酒送理之

彭生失足落糟丘醉入肌膚
味更優亦有曲生差可意伴
君倚檻看春流

有感

黃晉卿

橘柚青黃照眼垂秋風籬落
自紛披頗聞玉食登纒果不
獨涪州有荔枝

送張秀才歸里

青陽河畔杜鵑啼歸路如弦
定不迷應到故山叢桂裏笑
人騎馬聽朝雞

獨坐漫書

漢室需材訪隱淪販繒屠狗
各求伸安知風雪南山下別
有當年射虎人

北山紀游五首

天風吹我度崢嶸春著千巒瀟灑青紫陌紅塵寧有此十年
空負北山靈

却問仙山去幾程白雲如簇近相迎直須不脫登山履行盡
松聲與水聲

偶看飛花逐水紅不知身過亂雲東回頭旋覺峰巒別惟有
青天面同

坐愛春泉響翠微玉花吹濕薜蘿衣何由著我冰壺洞卧看
青天白練飛

削立城心雙白塔幾疑日月費撐支一朝頓在闌干底始悟
從前見處低

題青山白雲高
十年失脚忘却青山與白雲心見畫圖疑是冷花

涼葉思紛紛

題羅節婦傳後

陳衆仲

歲晚良人去未歸堂前有客著新衣此身只為韓憑死化作
鴛鴦海上飛

趙吳興墨蘭

江南三月多芳草綠葉連娟映紫莖憶昔艤舟若雲上一汀
香雨入琴清

趙氏人馬圖

蒲桃宮前白面馬春日賜與近臣歸主人愛馬不換妾更與
小奴裁綠衣

白畫眉圖

隋家宮妓掃長娥消盡波斯百斛螺化作雪禽春樹頂遠山

無數奈愁何

風竹圖

湘江風捲白頭波北渚雲深童子過欲採瓊芳渡江去翠衫
輕薄曉寒多

題水仙花

莫信陳王賦洛神凌波那得更生塵水香月影空青處留得
當年解佩人

賦凝春小隱

一窓花氣襲人衣窓底芳塵煖不飛坐久硯池生石雨海棠
枝上雪都稀

題虞先生詞後

憶昔奎章學士家夜吹玉管泛春霞先生歸卧江南雨誰為
掀簾看杏花

贈陳新甫

東華塵土滿貂裘芍藥闌邊繫采舟二十四橋春似海令人
腸斷憶揚州

重贈

天下英賢皆願仕山中隱者盡登朝淮南春草無端綠公子
歸來不可招

寄達兼善

李季和

城上烏啼欲閉門蕭蕭風雨又黃昏無端畫角連雲起鐵鑄
梅花亦斷魂

過王貞婦廟

山下江流幸自清山頭明月已無情此心若愧王貞節莫向

清風嶺上行

寄朱希顏二首

城頭鼓鑿雨淒淒，溪子牽舡上惡溪。會有行人回首處，兩邊楓樹郭公啼。

江邊鴻鴈下年，客子何由兩鬢玄。七十二灘秋月白，荻花風落釣魚舡。

寄薩天錫二首

月子纖纖，青海頭使君昨夜過揚州。城中高結瓊花樣，去聽吹簫何處樓。

二月江城未見花，笛聲哀怨起誰家。曲中大半傷離別，馬上無人寫琵琶。

吳王納涼詩

廿九從

六月長洲水殿涼，酒酣揮袖倚新粧。芙蓉露冷秋雲薄，回首西風響櫺廊。

題柯博士墨竹

嶰谷春深落粉香，拂雲和露倚蒼蒼。月明後夜吹簫過，應是伶倫學鳳凰。

春日有懷柯博士二首

闔閭城外亂鶯啼，空澤春深水滿陂。好買扁舟載畫布，帆東下若耶溪。

聞說新來白髮稠，茂陵多病不勝愁。吟成定似張公子，癡絕真成碩虎頭。

賈治安騎驢詩

西風烏帽鬢，拂袖長吟倚暮酣。得句不衝京兆尹，蹇驢

行徧大江南

題淵明小像

貢泰甫

竹杖芒鞋白鹿裘山中甲子幾春秋呼童點檢門前柳莫放
飛花過石頭

南歸偶書二首

余廷心

帝城南下望江城此去鄉關半月程同向春風折楊柳一般
離別兩般情

二月不歸三月歸已將行篋捲征衣殷勤為報家園樹緩
開花緩飛

別樊時中廉使

光祿橋西惜解携春皇欲傍露盤低自來宮柳多離思更著
城烏在上啼

題小景

長淮煙水遠城斜壯士依、漂母家日暮搖頭人不到蜻蜒
飛上野菱花

蘇臺懷古

倪元鎮

望中烟草古長洲不見當時麋鹿游滿目越來溪上水流將
春夢過杭州

過石子岡

薩天錫

霞光日落紅穿樹山色雨餘青近人便好拂衣入山去解鞍
辭却馬頭塵

過王氏小樓

雪滿寒江壓酒旗江南無處不堪題小舟載取梅花去度得
春風過水西

醉起

揚柳樓心月滿床錦屏綉褥夜生香不知門外春多少自起
移燈照海棠

西宮即事

九重五色金銀闕冠帶將軍盡羽林白髮儒臣方進講西宮
午漏隔花深

過揚州

買舟南浦秋聞鴈呼酒西窓夜剪灯何處玉簫天似水瓊花
一夜白如冰

雪霽訪馮道士不遇

道人已跨龍潭鶴童子能烹雀舌茶一夜山中滿林雪客來
無處覓梅花

贈仙壇胡尊師

辛好禮

一鶴晚隨青玉杖雙龍秋佩紫荷衣月明何處聞吹笛百丈
山前賣藥歸

春夜

成廷珪

酒兵無力破愁城春盡堽山杜宇聲敲缺唾壺眠不得半簾
花影月三更

題徽宗畫搵子白頭翁

搵子紅時人正愁故宮衰草不勝秋西風吹落青城月啼得
山禽也白頭

題明皇吹簫圖

華萼樓前柳色新東風吹散馬嵬塵錦囊玉管俱零落誰是
終南夢裏人

美人圖

徐秋雲

玉佩鳴璫照青秋綠雲扶夢下瑤樓瀟湘一片芙蓉雨珠箔
沉之不上鉤

寄友

憶別錢唐第幾春舜江春水綠如雲小樓吟倚孤山月只有
梅花可寄君

山雨

張伯遠

竹樹風泉共一音石根雲脚畫連陰樵叢野市歸來晚猶說
溪田水未深

江風

揚柳搖陰送午涼蒹葭吹葉報晨霜千帆萬席波濤裏誰遣
檣鳥喚客忙

石上孤松

葛元哲

石上清霜老薜蘿半天秋影碧婆娑山中草木空千億奈尔
臨風際會多

題方壺弟子林泉逸画

方壺最愛米南宮北苑傳來意更濃弟子只今誰入室林泉
願得玉芙蓉

題柯敬仲墨竹一枝

曾從秘閣寫蒼筠嶰谷千竿雨露新江國只今鳴鳳遠一枝
猶帶玉堂春

寒江獨釣

隔岸諸峰白玉圍寒雲深瑣綠蓑衣山人不識垂綸意只道
扁舟訪戴歸

題唐馬首

柳苑春深首蒼蒼
宛駒爭道向明光
綠衣自走孫陽侶
先為天閑選乘黃

題瀟湘奇觀

青草湖邊木落時
鵬鵠啼起雨雲垂
臨流欲渡重移棹
何處蒼山是九疑

題明皇調馬圖

翠華遙駐蜀山雲
幾度長安首宿春
記得天街新雨過
卷龍親御玉麒麟

書湖上佛寺

湖上風林屢
幽招提更在水
西頭回船落日
笙歌遠數箇
漁舟伴白鷗

題秋江泛舟圖

双松石上翠波深
曾見橫江孤鶴過
留得小舟堪載酒
至今人說老東坡

題一馬首

奚官一顧驥
群空旋絡青絲跡
曉風忽報九重
閭闔啓天街
爭看去如龍

雜興寄鄭本

劉子建

咄、書空祇自愁
更無消息夢刀州
漫長夜何時旦
白石空歌愧飯牛

浦城謾興

清溪何似百花潭
谷口雲峰半夕嵐
借問子真歸隱未
鷓鴣春雨滿江南

夢裏

夢裏何年別釣磯青山風雨暗衰衣何由拾口付滄浪月一笛
秋風海上歸

搖落

搖落關山歲月遲故園從此隔天涯山中舊屋無人葺只恐
秋風不柰吹

贈醫目士

持斧蟾宮伐桂柯露華清夜泣嫦娥歸來明月天中見萬里
無雲海不波

題林超詩卷後

曾馭扁舟過洞庭晚涼沽酒泊雲汀東風吹醒沅湘夢猶記
君山醉裏青

征南口號

杜文玉

春早雲南麥已黃瀘江蒸霧水如湯馬蹄半帶陰山雪變作
人間六月涼

讀汝南遺事二首

楊煥然

軼道牽羊事已非更堪行酒著青衣裹頭婢子那知此爭逐
君王烈焰歸

六朝江水故依然隔斷中原又百年長笑桓温無遠畧竟留
王猛佐符堅

涿南見蠶婦本汴梁貴家

蠶蟲月何曾出後堂千戈流落客他鄉羅衣著盡無人問自把
荆籃摘野桑

出郭作

燕姬歌處轉鶯喉燕酒春來滑似油自有五陵年少在平明
騎馬過瀘溝

過湯陰崇壽寺

城荒古寺冷於冰絳帳誰燒照佛燈閑遶空階觀石刻偶聞
音語得鄉僧

憶君美二首

寒鴈明朝下五湖長安西望獨躊躇無情誰似張公子兩見
秋風不寄書
銅柱從君泣墮鳶夷心事五湖舡頭顛如此人間世不得
青山對暮年

管寧濯足圖

路偏遼東未是癡藜床欲穴只心知好餌一掬黃泥水漫却

曹卽受禪碑

答客

仕晚自知為學拙家貧人道治生疎滿山薇蕨春風老昨夜
鄰翁有報書

泛舟

燕子迎風掠水飛樓前楊柳綠依々十年不作南塘夢怕見
殘陽上客衣

登北邙山二首

楊正卯

干戈叢裏過壬辰原上纍纍塚墓新寒食清明幾家哭問來
都是陣亡人

魏家池館姚家宅佳卉而今採作薪水北水南三二月舊時
多少看花人

村居三首

草堂有燕賀新成
沙渚無鷗續舊盟
滿徑落紅風掃靜
一渠春碧雨添平
春波淡捲寒漪長
日蕭靜竹扉村舍
鶯催桑葉大山田
鹿食麥苗稀

峴山秋晚圖

江水江花遠大堤
太平歌舞習家池
而今風景那堪畫
落日空城鳥雀悲

風雨雷

許仲平

南山已見霧昏昏
便合潛身不出門
直到半塗風雨橫
倉惶何處覓前村

書懷

何得之

野性長便雲水居
城中有屋不如無
慳時因記人來往
多少紅塵汗白頭

寄暢淳甫

思君不見費人思
何日入思能已時
又見鸞坡三月柳
數株濃綠自絲絲

絕句

出門何路覓亡羊
口紅塵枉了忙
笑殺東齊趙夫子
不來看菊過重陽

雨中

閉門連日雨霏霏
一醉誰憂生事微
睡起不知風色莫
北窓花氣濕人衣

燕都雜題三首

畫屏誰畫一風帆阻隔千山與萬石不護樓頭此子兩使人
春畫怯春衫

一夜春陰徹曉寒玉山無奈酒杯乾青娥知有愁多少狼藉
粧奩懶對看

花市東邊柳市西矮堂一笑百金揮如今蹤跡無尋處谷雨
綿山燕子飛

已巳春往均州

宋衙

武當却立翠屏新碧玉溶溶漢水奔如畫江山千古在城闌
幾度戰塵昏

觀出獵二首

金鉞染血犬銜毛倒臂蒼鷹掣錦條山下山秋塞關齊歌
野樂陣雲高

龍德故宮懷古二首

國是當時總是非強將商鞅作皋夔莫言天變渾無畏不見
雷轟黨籍碑

黨錮紛々快老女奴敗盟更欲復燕山當時若使無夷禍不在
權臣即宦官

黃門飛鞚圖

姚端甫

太平無有羽書塵局促龍鱗萬里身不著困人時騁鴛天閑
驕悍若

賞花

出門京國事無涯虛擲東風五物華却謝病歸催不起故園
今見碧桃花

雜興七首

周景遠

涼氣潛侵玉女窗，井梧一葉下銀床。離情有似東流水，一夜相思歸夢長。

聊攝城邊樹色秋，往來長此繫扁舟。不是故鄉無舊業，畏邀明月醉高樓。

楊柳青，麥吐芽。壺觴來就野人家，可憐廢井荒畦畔，狼籍東風一徑花。

上清仙客髻如絲，自剪青霞作道衣。幾見桑田變滄海，不愁窗外日光飛。

窗外簫聲隱，來千年。空苑碧桃開，相逢正好談風月，不惜春衣卧綠苔。

雲馭霓旌自往還，天風浩，海波寒。日輪飛上青山頂，人道蓬萊咫尺間。

花竹垣牆映白沙，紫清宮殿鎖烟霞。一條歸路朱弦直，三百年來不到家。

送李伯英二首

吳越江山天下稀，尊前休嘆昔人非。一杯正好酬春色，何事征帆去似飛。

江南才子去遊燕，為憶明時正禮賢。休向薊門尋古跡，黃金臺上草連天。

懷郭安道

江南江北路茫茫，明月高樓各異鄉。旅鴈叫雲天似水，故人今夜泊瀟湘。

徐州

風雨颭，漲碧瀾。秋陰漠，失前山。舟人也學襄王夢，長在

朝雲暮雨間

和郭安道治書韻四首

西風吹起白頭波
半夜扁舟掠岸過
不向長橋酤一醉
滿天明月奈秋何

君醉淋漓我浩歌
古人為恨復如何
秋來幾日渾無賴
已有新霜著芰荷

江間小艇數能乘
活計今如船子僧
近喜老妻能斫脍
欲令稚子學扳罾

久客思歸未能題
書附與遠遊僧
吳松江上鱸魚美
何處人家不下罾

題風雨漁舟圖

胡汲仲

細柳新蒲春已滿
飄風急雨浪如顛
漁人若解忘魚意
繫却扁舟卧碧烟

題范文正公書伯夷頌後

名並日星真細事
義叅天地在彝倫
寡千古空遺跡
薇滿西山意自春

題醉王母圖

宴罷瑤池醉不任
仙人那有世人心
良工欲寫無言意
自托丹青作酒箴

上京次李學士韻三首

王繼學

金燭承恩出院遲
玉堂學士草麻時
明朝上國新端午
彩筆應供帖子詩

晝漏渾爭一刻遲
玉京六月似秋時
篋中日月藏紈扇
說與班娘莫寫詩

芍藥闌前春信遲
燕京端午石榴時
雙紫燕自尋壘
小小白翎能念詩

題扇三首

西山雲淨換新秋
碧樹堂深野水流
此夜畫闌都乞巧
月明何處望牽牛
橫波清淺露平洲
沙暖鴛鴦得意游
一夜西風吹雨過
有人獨上木蘭舟
銀河秋早露華新
碧樹雲收月半輪
庭外西風聞鴈過
畫樓應有斷腸人

太乙宮留題

石逕松花靜掩扉
夫容秋早蝶雙飛
主人何處采芝去
待到日斜猶未歸

次薛玄卿韻

石壇秋晝下雲旗
鐵鎖峯前斲別離
一夜珠宮新露冷
步虛直到月斜時

悼亡四首

毛靜可

從事龜山亦偶然
寧知長別恨終天
當時去就商量錯
不似牛衣十八年

客中自有未招魂
剪紙空教夜祭門
萬一相逢今夜夢
恨多應是兩忘言

奉倩傷神不是癡
人生百感有真機
飄零遺墨殘針線
與淚無期自一揮

推愁不去竟何如
欲鼓莊盆懶有餘
賴是此猶解事避人
對客與觀書

寄梅村山人二首

古松樹下晝陰寒雲亦何心去不還却恠建州城裏夢一春
多在湛盧山

去年三客賦茶藤忽見新花發故枝省到死生離合處春風
消得幾相思

聽兒讀衛詩二首

捐希韋

羔羊同時縫素絲抑之有老尊其儀如何多善臣子國猶有
北門懷仕詩

人生仕進亦偶爾出門入室同一軌書聲聽處千年心霜月
殘缸夜如水

題露臺夜炷筒

緒紅清夜露臺香月冷銅人正耐霜心事意知惟密訴帝青
天語近琅琅

題玉版蘭亭

臨池舊眼被昏遮玉版摩挲字隔紗忽憶昔年觀定本絕勝
枕臼與梅花

題四時折枝

京洛名花觀盛衰雪錢風景各隨時靈株本撥無留活却恨
畝中誤折枝

秋懷

曹子具

沙磧秋高宛馬肥哀笳一曲塞雲飛南都兒輩應相念過盡
征鴻猶未歸

丁卯校藝貢院作

席廬清晝列千袍射策詞場百戰勞明日京華春榜揭蓬萊

天近五雲高

寄戶部楊友直

王仁父

柳繞柴扉水繞村黃鸝初轉已春分東風吹散梨花雨醉卧
青山看白雲

直沽海口

極目滄溟浸碧天蓬萊樓閣遠相連東吳轉海輸杭稻一夕
潮來集萬舡

過河西務

霜滿平堤柳漸凋月移帆影過東橋卧聽柔櫓鳴秋水絕勝
隣雞報早朝

重陽

拂却京塵理去舟閑雲千里水悠悠醉來欲落龍山帽猶只
花笑白頭

上都寄許叅政

野草侵階水遶門西風颯雨紛小軒坐對爐熏冷却憶
溪南一片雲

長蘆遇順風

水聲怒激春雷響帆影輕隨遠鴈飛東望水雲三百里沙鷗
待我釣魚磯

西郊晚眺

遠寺僧歸日欲沉無邊桑柘起層陰牧童牛背閑橫笛却笑
詩人馬上吟

通州東菴二首

借榻禪房秋已深碧雲窗外弄清音空塔落盡胡桃葉霜滿

東籬菊有金

衆鳥高栖萬籟沉老禪携月過東林秋霜不染青蓮色想見
乾坤太古心

錢塘雨中招申屠彥德

王止善

春雲拂地雨浙浙戶外屨空生綠苔朝天門外樓依水好棹
小舟乘興來

田家謠

魏初

五月軍回未有期不禁烟瘴入枯脾馬頭一骨還家日只有
弓刀似舊時

明皇擊梧桐

李俊民

不使黎園弟子知太平音在鳳凰枝一朝野鹿銜花去長恨

秋風葉落時

過陳司諫墓

劉祁

鸞拔烏府舊遊空三尺孤墳野寺中猶有憂時心不死墓門
昨夜起秋風

瀟湘夜雨

李仁卿

遠寺孤舟墮渺茫雨聲一夜瀟瀟湘黃陵渡口風波暗多少
征人說故鄉

墨海棠

漢宮愁絕冷煙枝一醮劉郎兩鬢絲甲帳夜寒銀燭短六銖
雲帔獨來時

春日雜詠

徒單公履

東風簾幙半塵埃歌舞臺空畫不開試問雙飛新燕子今年
社日為誰來

太真教鸚鵡圖

馮渭

溫泉賜浴意融怡
猶念寧王玉笛吹
却怕能言泄幽事
丁寧慎勿語人知

覃懷春日

趙復

江南江北半浮生
蹤跡居然水上萍
竹雞啼罷山雨黑
蠶子生時桑柘青

春晴二首

劉辰翁

江柳長天草色齊
新晴何物不芳菲
無因化作蝴蝶西蜀
東吳款款歸

新燕池塘綠雨肥
初晴未暖日光微
角巾猶帶花梢濕
綠倚闌干見絮飛

春浦帆歸圖

孟攀鱗

涵空水色碧於苔
照眼山光翠作堆
疑是桃花源上客
舟天外得春來

有懷

劉秉忠

雨過幽庭長綠苔
東風時為掃塵埃
無人曾見春來處
門外桃花只自開

風雨迴舟

張孔孫

風雨來時撥棹迴
濟川心事有誰知
停舟且做江湖夢
浪靜風恬未是遲

水仙花二首

商挺

海上三山璧月明
人間誰識許飛瓊
秋風吹上青鸞背
來散天香與素英

明月珠衣翡翠裳
冰肌玉骨自清涼
不隨王母瑤池去
來侍

維摩病几傍

壽陽梅粧圖

王思廉

一聲白鴈度江潮便覺金陵王氣銷
畫史不知忘國恨猶將鉛粉記前朝

昭君出塞圖

黃沙堆雪暗龍庭馬上琵琶掩淚聽
漢室禦戎無上策錯教紅粉怨丹青

汾亭古意圖

張礎

漢家宮闕白雲秋魏國川原過鴈愁
萬古松風一茅舍不隨華屋變山丘

關山風雨圖

山氣疑寒雨不開江濤拍岸雪成堆
漁翁慣識風波惡天際孤舟已早迴

錢選畫花

陳巖

雪翁夙號老詞客亂後却工花寫生
寓意豈求顏色似錢塘風物記昇平

題道院二首

高克恭

綠陰無際壓蒼苔為愛幽深手自栽
風月早知煩耳目不教春筍過牆來

草色琅玕遍兩楹蚤陰才過午陰清斜陽又送西軒影
一就移床待月生

無錫山中留題

山深自昔無車馬道在何曾畏虎狼
祗恐閑人來看竹淋漓醉墨汚新墻

即事

古木陰中生白烟忽從石上見
流泉閑隨屈曲尋源去直到
人家竹塢邊

過弋陽

雷聲驅雨過山西山腹雲根似削齊
日暮牧兒歸不得料應
白水漲前溪

過信州

二千里地佳山水無數海棠官道傍
風送落紅換馬過春光
更比路人忙

過京口

北來朋友不如鴻幾箇西飛幾箇東
多少登臨舊臺觀闌干
關在夕陽中

寄王總管

李昶

華陽東下古梁州五馬旌旗擁上游
曉斷寒江衣帶水令人
空望鎮南樓

過故縣埧

憲宗皇帝射臺高氣壓蠻江萬丈濤
玉輦不歸巖樹冷白雲
何處醉蟠桃

遼陽高節婦

王結

天東長白近蓬瀛縹緲仙人玉雪清
鳳去紫簫聲已絕青鸞
獨跨上瑤京

贈李秘監

張希孟

封章曾拜殿廷間稟之半儀肅九關
回首橋山淚成血逢君
不忍問龍顏

孟光舉案圖

王執謙

白髮梁鴻與世乖
賴逢光也配其才
五噫歌罷愁無耐
不覺春從案上來

題甄氏訪山亭二首

陳觀

水流花落石生雲
日靜風暄草欲薰
老去風流猶未減
一丘一壑要平分

雨後西山翡翠堆
結亭直欲近巖隈
從今記取溪頭路
一日須來一百迴

玉簪

張淳

開軒俯瞰碧雲衢
白筆含香半吐鬚
帶露折來何處可
膽瓶秋水澹如無

文翰類選大成卷第八十四七言絕句目錄

元

陳剛中二首 胡東 一首 龍觀復二首 秦蕪善六首

吳師道三首 陳思濟七首 杜仲梁四首 陳天賜一首

真山民三首 何太虛二首 陳子仁一首 杜伯原六首

彭炳 十三首 常仲微四首 吳彥輝一首 陳雲嶠二首

王玄舉一首 王景初三首 謝羽舉四首 陳尚德一首

宋季仁一首 郝守中一首 周秋陽一首 鄭資深一首

張萬里一首 周本心一首 鄧德良二首 潘子素二首

陸德陽三首 滕玉霄二首 貫雲石二首 程文海二首

盧慶道八首 歐陽原功一首 黃君瑞 十三首 李道復二首

姚燧 一首 吳仲谷一首 伯顏 一首 謝恕堂二首

吳立夫	二首	高若鳳	一首	孫存吾	一首	羅壺秋	一首
王良臣	一首	薛玄卿	四首	傅與礪	五首	張仲舉	四首
王元章	一首	甘鑄	一首	熊伯穎	七首	危太撲	三首
吳伯慶	九首	林至善	三首	張至道	二首	唐溫如	二首
孫元寶	二首	李慶約	一首	陳昌	一首	徐孝基	一首
程彥明	一首	鄭李明	一首	鍾安期	四首	翁德元	一首
馮淵如	一首	金敬德	二首	束宗庚	一首	董良史	二首
俞子俊	一首	張樞	一首	買蕪善	二首	張守中	一首
顧或	一首	鄭彥昇	二首	湯子文	三首	卜友曾	二首
楊叔倫	四首	張景范	四首	辜德中	四首	李晉齋	二首
徐一甫	一首	江叔載	一首	徐伯通	一首	方可竹	三首
李粲然	一首	張子東	一首	黃比玉	一首	葉仲興	十首
江彥章	一首	朱克用	四首	傅子初	一首	程子正	二首
丁時懋	三首	王道章	三首	詹致祥	一首	李誠泉	一首
葉景南	六首	丁鶴年	十三首	張惟中	十五首	張光弼	五首
鮑仲華	一首	釋祖銘	一首	釋元本	一首	釋克新	四首
僧無懷	一首	釋見心	十七首	無名氏	二首		

文翰類選大成卷第八十四七言絕句目錄

文翰類選大成卷第八十四

左長史上海李伯璵編輯

伴讀慈谿馮厚汶正

詩類 七言絕

示

日南感懷

陳剛中

老母粵南垂白髮病妻燕北待黃昏蠻烟瘴雨交州客二處

相思一夢魂

博浪沙

一擊車中膽氣高祖龍社稷已驚搖如何十二金人外尚有

民間鐵未銷

贈別二首

胡東

杜鵑啼血正傷神，又向尊前送遠人。君到瀘溝看流水，落花猶是禁城春。

一絲春動柳枝柔，塵壓征鞍駐紫騮。莫惜尊前更斟酒，醉中別去不知愁。

陳平章席上題琵琶亭

龍觀復

老大蛾眉負所天，却將遺恨寄哀絃。夜深正好看明月，却抱琵琶過別船。

赤壁

踏呂摧袁虎視眈，阿瞞氣勢捲江南。磯頭一霎東風轉，天下江山自此三。

絕句二首

恭兼善

新火試沉香

金吾列侍擁旌旄，五色雲深雉尾高。視草詞臣方退食，內官傳勅賜蒲萄。

送王奏差調福州

春水溶溶滿鑑湖，蘭舟長護錦屠蘇。可憐走馬閩山道，榕葉陰中聽鷓鴣。

題祁真人異香卷

金閣夫容罨畫山，天香縹緲碧雲閑。夜深放鶴三花樹，自把黃庭月下看。

送劉提舉還江南

帝城三月花亂開，落紅流水如天台。人間風月不可住，劉郎去後應重來。

送新進士還蜀

金絡繹韁白鼻騮錦衣烏帽小宮花臨邛市上人爭看不已
當年賣酒家

次韻晉卿北山紀遊三首

吳師道

林間尊宿澹襟期不減當年許與支十載相思不相識雲山
應笑俗緣卑

行歌共訪采芝翁絕壑層雲一盪胸誰念愁吟溪上客落花
微雨獨支筇

一壑風烟自可留十年湖海漫曾遊短衣射虎真堪樂莫恨
將軍老不侯

歎石亭和段超宗韻

陳思濟

風波萬頃一官微羨殺田家豆粥稀後日秋岡上去樹腰
移榻轉斜暉

移官淮東別杭州

湖上雲烟百態新湖邊幽趣屬閑身春風揚子江頭路白首
行人又問津

發南康赴江州

繡斧重持白髮翁路人猶說宦情濃一帆又下潯陽去羨殺
雲間五老峯

寄陳處士

杏桃落盡清明後姚魏開時穀雨中為問西湖陳處士青梅
煮酒有誰同

惜花

長恐花殘湯欲狂千回百匝遶花傍高張翠幄未關護山雨

溪風未易防

湖中醉呈崔郎中

杭州城西天下無
水晶盤裏青珊瑚
江山勝槩乃如此
醉筆走呈崔大夫

寄沁州史長老

舊時行跡到金田
曾向禪窗借榻眠
別後小詩聊寄問
龕燈還有幾人傳

延津待渡寄仲溫參議

杜仲梁

一望河平慨然戰
塵如霧水如天
要知別後思君處
長在孤城落日邊

夜宿鄆城

殘月和燈照弊帷
疎風乘隙入征衣
恰逢遠客思歸日
正是家人說夢時

長門怨

天上神仙也別離
人間那得鎮相隨
不須貴買臨邛賦
只想君王未見時

曾郊

六十衰翁更莫閑
好將華髮映青山
穆生自合尋歸計
不在區區醴酒間

偶題

陳天賜

脩竹千竿萬卷書
水明沙淨稱幽居
春風架上吹殘簡
時復晴窓落蠹魚

吳王夜宴圖

真山民

銀漏迢迢夜未晨
管絃聲裏綺羅春
飲闌方擁名娃醉
豈料

稽山正卧薪

馬嵬驛

三郎掩涕馬嵬坡生死恩深可奈何
瘞玉道傍何足恨潼關戰骨不埋多

春遊阻雨次韻

田里熙熙便是春追遊何必艷陽辰
打門吏少花村靜聽雨高眠亦可人

邗溝

何太虛

衰柳殘荷并慘然青山隔岸弄婵娟
多情惟有邗溝水長送江南過客舡

謝友人見訪

荷笠深山采藥迴荆扉石徑損秋苔
花邊稚子相迎說昨日

有人騎馬來

宿州作

陳子仁

龍舟泛處漲黃埃看了瓊花不再來
桃杏遶堤千百里春風疑是錦帆開

題觀復齋

杜伯原

萬木森森夜欲僵九泉拂拂動微陽
先生獨坐調鉛火卦滿周天漏正長

題畫圖

樹林蒼蔚水灣環知是江南何處山
數載幽并倦行役按圖欲借屋三間

題小景

秋陰滿地夕陽微黃葉蕭蕭鴈正飛
最是江南好天氣村醪

初熟蟹螯肥

子昂竹木

純素精明照耀人此公已往筆如神能知八法仍知韻始識
吳興善寫真

敬仲竹木

絕愛鑿書柯博士能將八法寫疎篁細看古木蒼藤上更有
虜真長史狂

吉學士墨梅

冰雪肌膚鐵石腸翩翩和月按霓裳臨窻喜見橫斜影却有
王孫翰墨香

懷關中故人

池上看叉魚
彭炳
三月酒如酥花落平堤水蒲初揚柳簇門齊下馬九龍

懷彥肅二首

山亭濁酒思崔煦天渴無人獻露瓢偶見癯僧採方竹雪溪
扶過木長橋

二年不見瓊花樹脩竹長松獨倚樓一片白雲東海上又隨
春雨過揚州

寄蕪善

月在天遊恰半痕手與河漢上金盆如今洗得都明徹照見
南山萬樹根

月明歸路

常時花柳暗春風紅袖鉤心嚙小鐘昨夜珠簾罷歌舞月明
歸路馬如龍

長笛

長笛鳴，楊柳枝捲簾。清夜酒醒時，光風亭外春無影。明月
中天水滿池。

曲溪

曲溪山崦白雲多，歷歷梧桐紫鳳窠。釀得冷泉成琥珀，月明
吹笛看天河。

小橋

落花如雪馬蹄香，幾樹黃鸝欲斷腸。行到小橋春影碧，一溝
晴水浸垂楊。

清池

春風留夢碧桃枝，雙鳳吹簫月上時。誰與秋蓮共秋色，白鷗
如雪落清池。

金魚齒

酒醒舡在子陵臺，萬壑千岩玉琢開。拋却釣魚觀雪落，一雙
青鴈恰飛來。

野鶴

野鶴高風雙羽寒，重雲吹盡過潼關。行人指點青天角，一簇
三峯是華山。

樓上

轆轤鳴曉夢初醒，樓上南山暗又明。一片傷心無處著，渭川
流過漢家城。

人心

杯酒干戈相死生，人心窄路馬蹄驚。太行若把填東海，展得
中原萬里平。

與元亮叔靜論學有感二首

常仲微

秋水芙蓉玉一枝飄然不受俗塵輜植根共恨池塘小政要
汪萬頃陂

草木經霜獸苦辛繁華元不是天真殘枝敗葉凋零盡才見
從根一點春

聞蜂

案上葛蒲抽短葉窓前脩竹澹青霞惟底山蜂喧永晝飛
來採地膚花

寄叔靜

馬上清明南郭別山中長夏幾相思茅齋疎竹生秋意可是
良宵對榻時

訪道士不遇

吳彥輝

玄鶴衝開樹杪雲靈風為掩竹間門若無柿葉書名姓惟有
蒼苔記履痕

思親

陳雲嶠

天外東風吹塞沙忽聞歸鴈落梅花江城此夜正春雨獨倚
闌干心到家

題羊欣練愔畫二首

王玄舉

隼几霜明麝墨輝練愔水縞筆尤奇不知夢近天門否却恠
龍蛇繞足飛

已練愔愔還翰墨右軍神氣逼張芝却怜婢作夫人態夢竟
王郎下筆時

南湖道中三首

王景初

漠漠烟中小艇回夫容花外有軒臺平湖一目三千頃高卧

南風看雨來

氣涵雲水草堂虛
莎末風來午夢餘
起逐隣翁上舡去
藕花深處看叉魚

三年夢不到江湖
漸愧烟波舊釣徒
今日扁舟復何日
卧聽風雨鬧黃蘆

過餘杭故內廢址四首

謝羽皋

複道垂楊草欲交
武林無樹著凌霄
野猿引子移來住
覆盡花間翡翠巢

隔江風雨動諸陵
無主園池草自春
閣下誰家泣女冠
猶有舊宮人

禾黍何人為守闈
落花臺殿黯銷魂
朝元閣下歸來燕
不見前頭鸚鵡言

紫寒樓閣宴冰霞
今日淒涼佛子家
寒照下山花霧散
萬年枝上挂袈裟

望思臺

陳尚德

幾多愛子出蕭關
骨葬胡沙未得還
好把望思臺上淚
隨風北去洒陰山

春遊

宋季仁

草色江城綠四圍
客中天氣近單衣
蛛絲似怕春深去
網住桃花不許飛

山行二首

郝守中

路轉顛崖山委曲
泉穿亂石水宮商
無緣細看山中景
過嶺盤岡只自忙

潢水拍橋舡不度
亂石當路澁難行
懸崖峭壁高千尺
古恠

藤蘿顛倒生

清明

周秋陽

又是清明不上墳
客中猶欲自招魂
門前石上冬青樹
歲歲春禽長子孫

送倪伯範之金陵

鄭資深

倪子別我江海去
黃金作賦意有餘
新豐市上且喫酒
光範門前莫上書

送魯子元江西省宣使二首

張萬里

千騎吳城旦出圍
平章宅裏皂鷗飛
角弓紫帽黃金勒
定是相從射鴈歸

登山愛著謝公屐
嘯月多臨庾亮樓
江上數峰何見厚
故畱殘雪送行舟

奉翠峯上人

周本心

翠峰雲煖摘成村
歲晚相携訪綺園
共愛僧家解歲密
萬松深處著三門

寓舍春晚

鄧德良

柘陰初合豆初肥
門掩春寒落絮稀
薄暮一樽還獨酌
坐看微雨濕茶蘂

中秋憶家

千里星河一鏡圓
杜陵兒女隔秋烟
遙憐此夕柴門裏
相對清樽說去年

題宋高宗劉妃圖

潘子素

秋風落盡故宮槐
江上芙蓉並蒂開
留得君王不歸去
鳳凰山下起樓臺

題趙子固畫蘭

江上青山日欲曛幽花小紙墨模糊華清宮殿生秋草零落
滕王峽蝶圖

題墨菊

陸德陽

東籬正色本來真子墨何如強寫神滿面
塵非舊日西風羞見白衣人

題紅梅

昔醉西湖處士家酒痕吹上水邊花來風
峽蝶迷香夢一樹珊瑚月影斜

題定川陳仲章梅坡藁

陳君梅屋近蛟門鮫客綉成每見分從此
胃中有機軸解將五色織春雲

吟人

滕玉霄

吟人瘦倚玉闌干酒醒香消午夢殘燕子
不來春事過半簾踈雨杏花寒

半生

半生獨受春風淺萬感相隨秋夜長隱几
無眠聽落葉松梢搖雨澣山房

題廬山太平宮

貫雲石

山上清風山下塵碧沙流水淺如春不知
松外誰敲月驚動南華夢裏人

題陳北山扇

一簾明月倚闌干宇宙尤宜就夜看飛上
仙槎河漢近手招沉澹滿銅盤

寄牧庵參政

程文海

黃雀山頭楚觀鐘
喚醒塵夢欠從容
歸來坐聽春林雨
還憶簾前翠萬重

無題

縣裏歡呼送客稀
館人留客已多時
郵亭楊柳不鮮事
依舊長條管別離

題太白墓

盧處道

大雅清風久不聞
一盃聊為洗荒墳
朱絃三嘆無今古
說與江東日暮雲

贈畫梅孫道士

夜夢孤山放鶴翁
道人忙打五更鐘
覺來摸索月笑指

枯藤問曉風

題葉孝子丹泉廬墓詩卷六首

誰從銀麓卜新墳
楚葉孤兒志掩親
擬此招魂歌未了
大夫脩能愧靈均

偶營玄宅近丹泉
豈是談空為稚川
地下衣衾能不朽
鼎中龍虎若為仙

松楸霜月照墳廬
兩見空山虎守閭
鄙有科官丹有井
料渠編付汗青書

晝衽縷籠夕卧苦
曉霜不似禮經嚴
奪哀朝士歸來晚
華滿蘭堂月滿簾

兒誦招魂淚滿裾
魂歸莫向舊山隅
舊山南北升新稻
衣錦而今半宰予

竟莫西歸無凱風
兒今察孝掾江東
都將護草花前意
移向

春秋蘋藻中

題上饒詹雙崖所藏真原墨竹 歐陽原功
地中雷起迸翠株夜氣升為葉上珠漏洩道人真火候眼前
枯木作春腴

暮春雜咏寄友人

黃君瑞

綠漪池沼燕交飛深院重門客到稀柳絮不知春去盡尚隨
風起點人衣

崇仁寺羅上人號同澤能醫目疾

山僧業白五輪書心似空潭皎月如入廓瘴雲俱掃盡法王
來獻夜明珠

送友

雲錦江邊送玉郎江邊折柳絲長柳絲若挽行人住更向

東風種幾行

亭前茶蘼

杏園芳草雨霏霏 亟折千秋卷盡旗自過清明多病酒不知
花落到茶蘼

奉題李學士幽篁古木圖

歲歷居庸萬仞山詞臣供奉有餘閑試看翠竹丹楓畫猶似
金風玉露間

宮花二首

連理枝頭並蒂紅中官采獻未央宮可憐春色非人世天上
風光似酒濃

金闈芍藥紫重胎上苑移未遍殿栽正頂綉苞三十朶羊車
停處一齊開

閨情

翠石鈎闌斑竹簾林檎熟後雨蕉織門前總是藤蕪草握粟
誰家季主占

送人入上京

覓得清風謁紫微臨行脫却故山衣似知雲錦江頭水專照
邦人畫錦歸

寄高元博

故人招我出山來一去城闈更不回無數青松滿池月可憐
深夜獨徘徊

題襄陽拍手箇

愛酒山翁倒接籬花間日醉如泥只今池館風流盡不見
欄街拍手兒

秋雨箇

霏陰霧不成霜石上蓑衣且帶將學得南山玄豹隱一從
深處養文章

讚龍

一鼓春雷起九淵風雲萬里會中天墨池付與無多水去作
人間大有年

喜雨

李道復

誰調元氣入淋漓枯槁回生只片時依舊野雲無着莫高天
闊地任風吹

舟中作

石激灘聲纜釣舡夜寒人對白鷗眠江風吹盡浮雲片南北
東西總是天

題貞節賈母劉氏

姚遂

常時易處變時難
掬育孤兒紡織間
向使相驩得借老
貞名未必滿人寰

崇仁道中

吳仲谷

紅樹清江鴈鷺秋
月明灘下泊行舟
三年不見崇仁縣
今夜黃洲十里頭

度梅關

伯顏

馬首經從庾嶺歸
王師到處悉平夷
擔頭不帶江南物
只插梅花一兩枝

客館夢霜月皎然有感

謝恕堂

城上烏啼客正眠
一規霜月夜娟娟
夢魂不管險貪看
梅花過故園

題揚州瓊花

錦帆隱隱到天涯
古道殘楊泣暮鴉
莫為龍舟張廣陵
依舊看瓊花

題趙大年林塘秋晚圖

吳立夫

老景青黃筆底收
晴鳧冷鴈共汀洲
王孫畫學空花竹
不到銅駝陌上秋

灤州

四月一日尚絳衣
知是故鄉花片飛
白頭慈母倚門久
目斷天南無鴈歸

題朱進士御賜詩

高若鳳

憶昔霓裳清夢還
廣寒宮殿鬱嶺岷
神龍久矣去猶有
驪珠落世間

秋思

孫存吾

鴈落西風字，沉嫩涼偷入藕花心。眼前多少關心事，付與寒蛩徹夜吟。

題吳飛卿卷雲閣

羅壺秋

寂無根蒂是浮雲，舒卷如何盡屬君。我亦似雲歸未得，滿山黃葉正紛紛。

漁父

王良臣

白蘋風捲釣絲斜，魚不吞鉤水見沙。買酒自歸蓬底醉，載將明月入蘆花。

送黃元深游泚

薛玄卿

南宮朝殿鎖蓬萊，芳草春深夢不迴。只有海門青一點，月明猶送舊朝來。

春盡北行留別吳大修撰

萬柳千花拂酒旗，南陵北苑草離離。居庸關下泉鳴咽，又是東風欲去時。

次韻芦疏齋廉使見寄

西風吹老敬亭秋，回首紅雲近涿州。記得少年陪劍履，麒麟閣上鳳池頭。

贈聶尊師

青山寂寂雨瀟瀟，門對長松翠欲飄。白髮道人年八十，小樓閑坐說前朝。

臨清

傅與礪

五月河橋繫客舟，舊來河水至今流。落花冉無消息垂柳深，盡別愁。

赤壁圖

憶昔臨皋訪大蘇古祠寒落水禽呼如何月夜黃州夢却在
西風赤壁首

寄李尚賓

久別思君欲白頭書來真足慰離愁衡陽五月無回鴈江上
常時獨倚樓

墨竹

嶰谷千年倚月明秋來風露寂淒清自從截作軒轅律別有
新梢學鳳鳴

無題

江草離離江水流玉人何處捲簾鉤垂楊學盡春來瘦不省
人間有別愁

自開花

鴻溝

百三秦關弃若遺一溝何足繫安危要知劉項與王跡只在
鴻門劍舞時

隆太古上人歸南豐

一片浮雲久出山偶因風便却飛還等閑捲起西江水吹作
天花滿世間

尚書卧病因寄詩問候

幾度登樓倚暮雲重城虎衛祈聲聞老臣憂國丹心切卧擁
批貅到夜分

院中聞王克溫病

宋玉蕭條豈為秋相如多病轉多愁片雲不隔天涯路紅葉

何時出御溝

題宋好古墨竹

危太樸

我憶東曹粉署郎琅玕寫就拂雲長
祗疑散步雲林曲獨聽秋聲待晚涼

題三韓沙門玉田花鳥齋

画史幽居得物情毫端春色可憐生
高僧已是禪心定花鳥逢人更不驚

南京別王道士

秦淮卧病惜春陰訪問深知故舊心
千里家鄉漸投老雲山爛熳許相尋

送友人歸郡城省親

吳伯慶

青雲峯頂白雲飛遊子思親一舸歸
五月江花紅勝錦吹香都上老萊衣

鄧將軍席間歌者勸酒索詩醉成口號先酌將軍

夾坐春嬌不受呼起來佯醉要人扶
花前却勸單提酒挽斷將軍數寸鬚

雨晴

遠水流渾近水清前山雨過後山晴
水雲盡作山雲去山鳥時兼水鳥鳴

日本僧傳至方壺所惠詩報先師遺事奉和四首

東海飛來日本僧仙公流詠綵雲騰
得知神島真消息人在瓊樓最上層

詩來字字碧琅玕張翰時同坐上看
憶得江東諸故舊仙公猶隔暮雲端

心喪飛夢繞江關欲買扁舟載襪還惟有仙公同遠意唯雲
愁阻歷陽山
四十年前講席趨曾承仙墨洒金壺風塵故物飄零盡更寫
袈裟寶地箇

鸚鵡開雙六首

缺月疎星落翠幃春嬌賭采鳥爭飛綠衣公子來和局顛倒
門梁說息機

袞塵駟首

立仗歸來戲白沙香塵不灑五雲花奚官莫敢當前鞍為感
龍游赤水涯

長沙三首

林孟善

定王臺上關中土西望長安多白雲賈誼才高空有賦河間

送林崇高還武夷山

張仲舉

雲巖下聘君家長記宵談到曙霞今日壘頭誰灑飯鷓鴣
啼老白桐花

廉子祐歸省金陵且就秋試作二絕句贈別

故園歸思浩無涯更聽啼鴉惱客懷後夜月明應有夢先隨
潮水過秦淮

陌上吹衣柳絮風馮君莫放酒杯空歸舟恰是傷情處一路
殘山剩水中

王杲東白墨蘭題詩用韻其左并寓所懷

光風葉露香新欲采幽芳惜暮春幾處玉笙吹夜月瀟湘
雲斷不逢人

梅

王元章

我家洗硯池頭樹，箇箇花開淡墨痕。不要人語好，顏色只留清氣滿乾坤。

不眠

甘鐔

獨抱清愁春不眠，月明花暗夜如年。人生真作江南客，處處青山有杜鵑。

揚州二首

熊伯穎

春滿梁園花作團，東風扶醉依闌干。幾回覓得吹簫伴，明月樓前駕綠鸞。

畫橋綠水蕩晴霞，簾幕笙歌十萬家。記得玉人携酒共仙壇，和月看瓊花。

下蔡

拾薪溪女踏晴沙，荒崦衡郊四五家。兵後不知春富貴，野桃

博雅更無聞

太傅兒孫多濟美，東陽絳灌少聞家。欲尋遺井無人識，蛺蝶飛來薺菜花。

岳麓道林何處是，郡人遙指水西村。儒官佛寺俱無迹，竹樹如麻暮雨昏。

奉使安南國出都門作

張志道

大隱金門三十載，幾回馬上聽朝雞。如今一吐虹霓志，萬里交州入馬蹄。

題爛柯山效宋體

人說仙家日月遲，仙家日月轉堪悲。誰將百歲人間事，只換山中一局碁。

過洞庭

唐湜如

西風吹老洞庭波
一夜湘君白髮多
醉後不知天在水
滿舡清夢厭星河

墨蘭

瑤階夢結翠宜男
誤墮仙人紫玉簪
鶴帳有春留不得
碧雲扶影下湘南

楓橋夜泊

孫元實

畫舡夜泊寒山寺
不信江楓有客愁
二八娥眉雙鳳吹
滿天明月按涼州

贈日本僧觀語孟

次吟起敬韻

李慶約

日本沙門性頗靈
自携語孟到禪扃
也知中國尊朱子
不學南方誦墨經

金剛嶺頭山雨晴
深林黃鳥最多聲
草堂隣近應只尺
樓子正同雙樹平

寄謝履齋

陳昌

水沉香冷簾紋清
風入疎櫺鶴夢驚
今夜天邊好明月
清光偏照闔閭城

寄孤雲上人

徐孝基

能詩亦足張吾軍
何處林泉不寄身
最愛竹西歸舊隱
擲枯海上看飛塵

題明皇並笛圖

程彥明

華清宴罷卷霓裳
重立東風並海棠
鳳瑄莫吹新製曲
有人乘月倚宮墻

題衛明鉉山水小景為管伯銘賦

鄭季明

故人招我鴈山傍更入秋雲結草堂至今未滿李徵士白首
猶貪著作郎

送梁子才還宣城二首

鍾安期

粵王城下水潺湲照盡行人鬢影班日暮登臨倍酸夢直疑
身在木瓜山

荔枝樹下三年客識得王家十八娘恨殺釣龍臺下水送君
先去斷人腸

春雨雜興次韻二首

誰向春風吹洞簫蕩舟伎子畫雙橈不愁沾濕鴉頭襖愁殺
螺江兩度潮

別院笙歌深復深美人何處寫琴心尋芳休怯春泥滑明日
池塘長綠陰

題柯敬仲墨聽

翁德元

湘江何處吊湘妃極目愁雲是九疑欲寄所思秋水隔鳳簫
吹徹玉參差

墨梅

馮淵如

一枝竹外夢春酣零落綃裳舞翠嵐天淡水平山月小有入
吹笛過江南

題耿恭拜井像

金敬德

據水先須護上流鑿山抵用井中求司徒不為將軍請安得
殘兵脫虜囚

題明皇曲江春宴圖

五雲樓閣擁層闌帝子金根御白鸞日日醉花臨上苑春風
不似蜀中看

偶題

東宗庚

漁波微動上湘簾
圓沼初成小鏡圓
葉底翠丸青可摘
小娃織手送吳鹽

絕句二首

董良史

東風細雨濕窓紗
日晏黃蜂未報衙
芳草滿庭隨意綠
時時吹落碧桃花

小徑斜穿入竹林
曲闌通轉亞花陰
墻隈勢逼風如旋
落地殘紅幾許深

泰州夜泊

俞子俊

蘆葉蕭蕭惱客眠
推蓬看雨月在船
漁舟破曉入城去
街頭魚蟹不論錢

題貴妃籠鸚鵡圖二首

張樞

內苑宮人紫綺袍
金籠鸚鵡翠絲絛
當時亦有乘恩者
不獨雲霄一羽毛

宮樣蛾眉翠黛齊
髻微妥髮雲低
自憐鸚鵡能言語
不道漁陽動鼓鞀

八月既望訪古鼎上人因賦庭桂

買蕪善

桂花陰下坐談空
恍在清虛玉府中
海月滿庭秋一色
天香和露滴西風

春曉

香霧空濛落月低
六街官馬散銀蹄
芙蓉帳底夢初醒
卧聽栗留花外啼

得家書

張守中

半年京國夢鄉廬
曾買盧溝雙鯉魚
昨夜燈花今日甚
江南

稻熟有家書

讀漢史高帝紀有感

顧瑛

漢高功業與天高
首事厄山用太牢
博士未與書有律
不能無意責蕭曹

夏德輔荷亭會衛外剛同飲值雨二首

鄭彥昇

翠華擁出三千女
玉杖扶持八十翁
若使此花能解語
主人日日醉春風

菱荷著雨洗紅粧
未必蓮花似六郎
一種風流人不識
碧筒還勝紫霞觴

西湖雜詠

湯子文

馬塍雞唱曙初回
幾處嚴關次第開
多少賣花人已到
騰將春色入城來

題真景行松竹梅圖

一客風流雲水際
兩侯瀟灑雪霜時
如今三友交情密
不到歲寒人不知

題竹梅圖

歲晚江空見此圖
竹梅相伴占全湖
如何不與松為友
應恠人間作大夫

偶成

卜友曾

雨過踈篁翠欲流
西風吹露冷吳鉤
閑庭落葉不須掃
官况從來澹似秋

思歸

客子來時菊放秋
桃花開遍尚淹留
長空鴈影北飛盡
一夜江聲可白頭

春思四首

楊叔倫

春風吹雨濕香帷
別夢初醒懶畫眉
不似隔隣雙稚女
背花含笑聽黃鸝

深夜懷人思欲迷
裁成錦字懶封題
子規更自驚春夢
飛繞庭花故不栖

玉屏春冷翠陰遲
金鴨焚蘭出綉帷
含笑下階看蛺蝶
杏花深處立多時

花氣熏晴濕綺楹
春衣生潤粉痕輕
多情却怨雙歸燕
故土雕籠歛一行

題唐副使墨本水仙花四首

張景范

晴

斜矗闌干翠袖垂
晴光點碧弄珠璣
凌波微步迢迢去
環珮

聲從月下歸

雨

淺注團酥落玉盤
宮黃微暈曉粧寒
可憐一掬湘娥淚
濕透鮫綃粉未乾

風

鳳簫吹夢下瑤臺
折得瓊華宴未迴
誰遣封姨傳密約
羅襦半解異香來

寒

美人遙隔楚雲深
捐袂秋江不可尋
一曲冰絃聲欲斷
青鸞飛出碧波心

佳人折梅圖

韋德中

一掬寒香一指纖
鬢雲嬌墮不勝簪
雖然誤識春風面
不換

平生鉄石心

水墨葡萄三首

松煤點破虛室白老翠蒼髯寒欲滴半空瓔珞懸秋聲滿地
西風曉無迹

風枝露葉寒模糊晴簷翠滴晨烟孤鼎湖龍去髯已拔至今
滄海遺玄珠

西風萬葉鏗鳴球老月一架懸高秋酒醒夢破忽見此令人
隘視西涼州

題知州張仲美自得齋一首

李晉齋

墜緒茫，何處尋居安應復可資深香凝燕寢齋廬靜無限
春風點瑟心

斯民得處同
觀潮
徐一甫

觀潮

徐一甫

鷓夷漂去水涵，激轉東溟氣勢豪兩岸風烟渾是恨吳山
光律越山高

子美醉歸浣花圖

江叔載

回首雲生白帝城四松萬竹感深情閑愁到底難驅去莫遣
東風吹酒醒

聽張靜山吹簫

徐伯通

張仙一曲御街行吹徹千秋萬古情二十四橋明月夜不妨
騎鶴上瑤京

蔡琰還鄉圖

方可竹

飄泊胡天憶漢都幸然歸漢便忘胡賢王醉熟兕啼夜此意

丹青畫得無

嚴光裘

謾衣羊裘釣澤雲無端惹起漢玄纁風標自與齊人異便着
蓑衣也識君

魯兩生

絃歌終可脫兵骨召命俄聞博士車二子不來公去矣漢家
禮樂竟何如

贈徐則聞

李粲然

江西詩派祖涪翁時有徐甥在派中三百餘年幾絕響又傳
家法過江東

題捕魚圖

張子東

網網深留淺處又江潮渾欲整魚蝦青衿緇撮誰家子也向

風立岸沙

答宋御史

黃比玉

松風清暑撼濤聲夢隴先秋客意驚試上江樓豁詩眼倚闌
斜日看潮生

上京雜詠十首

葉仲輿

龍蹕當頭雉尾開上京天樂半空來瑤池宴罷回鑾晚千炬
金蓮玉女攢

水精宮殿柳深迷朝罷千官散馬蹄只有詞臣留近侍經筵
長到日輪西

雲擁蒼千嶺勢雄微茫俯見九州同皇家萬歲千秋業看取
天垂日照中

王孫打圍秋草黃羽箭瑀弓金鏃粧獵罷兩狼懸臂去馬蹄

風卷地椒香

居庸石口鑿何年源裏人家水碓邊見說山村似南土青林
深處有炊煙

塞漠穹廬散萬管平沙細草際天青柳林老校渾無事閑倚
斜陽理箭翎

玉階天近露華流夜久涼風入鳳樓曾把翠雲裘進否上京
六月冷於秋

夜宿榆林月滿天青帶紅燭喚觥觥相逢莫問他家姓醉裏
空留白玉鞭

細沙新築御街坡恰有清塵小雨過扶杖老翁先喜舞琴
開已渡灤河

居庸關北度鳴鑾萬騎窺旌旗曉寒海角小臣今白髮漢儀
又得駕回看

寶相石佛寺

江彦章

數間茅屋野人家雞大聲中日又斜春色可人籬落外暖風
開盡紫荊花

上苑躬耕

朱克用

湛露初晞上苑晴一犁曉帶卿雲耕周家八百年天下盡是
公劉手種成

後禁閨砧

午影遲轉寶闌砧聲響徹彩雲端宮中不是無羅綺猶念
寒機織紅難

龍樓試筆

鳳翥驚飛龍躍淵分明點畫合先天欲知字法從何得自是

生知聖知全

經筵進講

玉堂進講詔儒師樹影團，晝刻遲說到唐虞滋味永時，
不覺席前移

和劉彥機早春見寄

傅子初

簫聲花底引鸚鵡，歌枕清溪夢竟初，銀漢影斜涼露下，起和
殘月看天書

宛陵晚對

程子正

千章古木與雲齊，一片殘霞貼日棲，正據繩床成獨嘯，誰家
飛鶴畫樓西

題憲史孫士廉松雪齋所書淵明歸去來圖

文章撐拄晉乾坤，三徑清風萬古存，底事揮毫松雪老，不知

芳草怨王孫

贈山人湯秀峯三首

丁時懋

三湯意氣華嵩尊，秀色千年照厚坤，正是雪晴雲霽後，諸峯
羅列好兒孫

袖裏囊絰一卷青，山到處杖藜行，君看萬馬平沙上，芳草
春風歲歲榮

梅嶺人家墓更多，茂陵無樹奈秋何，鸚鵡啼處羊眠暖，好為
從容印地羅

環山樓

王道章

回峯四面畫屏開，風定松花落酒盃，推起白雲閑隱几，不知
山雨入樓來

題貴妃洗兒圖

三郎兒戲失君臣
枉費金錢賜太真
必竟鴟奴心未洗
却教四海染胡塵

題范蠡圖

決策長驅已破吳
姓名何必變陶朱
扁舟若為成功退
不挾西施向五湖

九日懷湖山叔祖

詹致祥

一番風雨又重陽
人事天時重感傷
九日湖山風物別
菊無佳色酒無香

寓洪中秋說月

李誠泉

金水鎔城一樣秋
三千世界雪光浮
城中見月能多少
擬借仙人十二樓

墨梅為陳羽士賦

葉景南

一聲橫玉嶺雲飛
夢醒羅浮憶舊時
何事天然冰雪貌
薄搽鉛粉著緇衣

芳郊行樂時州郡禁酒

杏花凝咲似當時
祇欠春風颺酒旗
舊日牧童應見誚
杖頭空掛百錢歸

春曉

數點滋花雨未乾
弄晴紅日上闌干
杏花梢上風微動
著意吹人也不寒

石鷄

玉當金距儼如新
舊日劉琨見亦驚
若遇夜深茅店月
羞教寂寞下重城

題昭君出塞圖

體態溫柔美十分九重何事不相聞從來女色亡人國延壽
欺君是愛君

讀賈誼傳

洛陽年少計何遲漢法焉能輒改移遠謫長沙非不幸清朝
歎息欲奚為

寒食懷介推遺事

子推高誼冠衰周野老掀髯咲晉侯設使位居孤偃石宏規
豈止霸功休

春宵

黃昏深院海棠開門巷無人燕子來花雨弄晴良夜求月和
香影上樓臺

題蘇季子妻嫂歡迎圖

說楚干秦策未良奔馳燕趙客齊梁幸然得佩黃金印便與
佳人較短長

讀三國志劉先主傳

炎祚衰微國已墟劉郎當此合長驅憑誰說與王夫子問舍
求田計頗愚

書杜牧詩後

折戟沉沙事有由未因二女動戈矛東風不與周郎便吳蜀
焉能五十秋

晚步

偶隨芳草踏斜暉石徑雲深翠滴衣兩袖天風明月上杖頭
挑得樹陰歸

新月

桂魄初生翠樹柯
芳閨兒女鏡新磨
只緣匣小遮難盡
露出清光剩不多

約張平叔夜話

翰林雄放世稱豪
工部辭章類楚騷
月下霜邊能見訪
共評工拙話推敲

杜鵑

望帝春心怨落暉
聲聲只道不如歸
錦城去路知多少
回首寒雲滿翠微

雙溪懷休文遺絕句四首

千載清風八詠詩
溪山形勝發新奇
但嫌世路多艱險
買得驢來井底騎

一生忠誼仕蕭梁
望重才高姓字香
輕把乾坤經濟術
區區為郡老東陽

萬疊雲山枕夕岡
一溪涼月浴滄浪
倚闌吟嘯題詩後
無復風騷繼此郎

衰草連堤映碧天
刺桐霜落殞蒼烟
井荒驢去人千載
月下誰來再着鞭

北窓清夢

日轉庭槐近午天
雲屏石枕北窓眠
琴床蝶夢無三刻
蟻穴侯封已十年

荼蘼

一點檀心氣味長
向人無語舞霓裳
千紅萬紫消磨盡
猶有風吹不斷香

春暮

老紅新綠駐煙坡無柰青皇促駕何又是一年春事了杜鵑
聲裏夕陽多

牡丹

絳色羅裳綠色襦沉香亭北理腰肢含風笑日驕無力恰似
楊妃睡起時

秋夜看月

廣寒宮闕桂香浮萬里無雲獨倚樓明月滿空天似水西風
吹斷海門秋

詠紅梅

祇添脂粉上冰肌香影何嘗異舊時一任俗人呼作杏湖山
風月自相知

和湘陵鼓瑟圖韻

點點湘山點碧波蒼梧烟冷楚雲多曲終人去無消息環佩
空疑月夜歌

題梅花扇面寄五十僉憲

丁鶴年

憶向西湖踏早春萬花如玉月如銀一枝照影臨清淺滿面
冰霜似故人

題族兄馬子英進士梅花

池館春深看牡丹五陵車馬隘長安誰知凜冽冰霜際都是
梅花守歲寒

題杯泉野趣圖

清江白石帶疎林樊口幽居尚可尋夢裏草堂無恙在秋風
春雨總關心

猫

食有溪魚且有茵育是深重更無倫若將乳鼠誇為瑞恐負
隆冬蜡祭人

題桃源圖

悞入桃源去路賒武陵有老重咨嗟漁郎去後無消息回首
東風幾度花

鴈

兵戈故國日凋殘野蔓荒烟白骨寒自送飛鴻度關塞有書
無處報平安

鶯

當年百轉上林苑身公筍高時韻愈奇兵火十年喬六盡託棲
那敢怨枝卑

敬書宸翰後

神龍歸卧北溟波愁絕陰山勅勒歌惟有遺珠光奪月萬年
留得照山河

題畫

江樹青紅江草黃好山不斷楚天長雲中樓觀無人住只有
秋聲送夕陽

題萬歲山翫日圖

金銀樓觀鬱嵯峨琪樹風涼秋漸多徙倚危欄倍惆悵月中
猶見舊山河

題故人毛楚哲所畫葡萄

西域葡萄事已非故人揮洒出天機碧雲涼冷驪龍睡拾得
遺珠月下歸

榮枯

春意方酣紅杏蕊秋聲又戰碧梧枝野人不識天官曆坐閱
榮枯紀歲時

寄龍門禪師師白號

上方樓閣闕煙霞補衲坐來歲月賒拄杖入門如隔世依然
翠竹對黃花

題赤壁圖二首

張惟中

洞簫吹月不勝秋萬里乾坤一葉舟折戟于今磨滅盡大江
依舊水東流

雪堂步屨秋無際與客移舟夜不還千古英雄一杯酒滿天

明月舊江山

題美人睡起圖

春睡絕醒粉褪思自生動下階來盡欄曾倚東風笑向晚

櫻桃一半開

題方雲林松石二友圖

千歲松根生琥珀一卷石裏韞璠璣憑君莫道無情物晚節
相依得似渠

題垂釣圖二首

釣絲裊拂輕艘揚柳垂水半篙薄暮人家邀共飲不須
雙鯉換香醪

火淨蘋花迷釣艇夜涼月色滿江村雙魚欲換杯中物江上
人家已閉門

題梧桐幽禽圖

井梧斜亞一枝低時有幽禽來上啼試看孤標凌碧漢夜涼
只許鳳雛棲

題江村秋夜圖

夜涼月色滿滄洲一葉黃蘆一葉秋
絡緯啼殘人寂誰家燈火隔林幽

蒼松圖壽沈節婦

蒼松落落北堂前雪虐風饕節愈堅
已覺深根生琥珀定知阿母共長年

升龍圖為羅顯宗賦

潛鱗長送海門潮馬鬣空餘水一瓢
不是風雷相盪激此身爭得近雲霄

漁父

扣舷歌罷潮生浦把釣歸來月在舡
新婦澆醬烹紫鱖大塊沽酒數青錢

雨龍圖為醫者陳子剛賦

天瓢翻雨若懸河眼底焦枯綠漸多
爭似君家開井只消涓滴起沉痾

月梅二首

玉雪精神絕可憐夜涼月色闌嬋娟
十年不踏西湖路孤負春風載酒船

南屏山下一枝開西子湖頭幾度來
惆悵無人重放鶴酒船空棹月明回

梅

拄杖尋春路不賒小橋流水野人家
千年老幹屈如鐵一夜東風都是花

題孔明抱膝圖

張光弼

抱膝長吟彼一時卧龍消息有誰知能聽天下三分計賴有
劉家大耳兒

題羲之寫扇圖

蒲扇新題墨未乾也應技癢要人看阿婆莫謾提籃去明日
街頭寫便難

題大慈寺僧房

老禪相見具袈裟旋汲新泉自煮茶咲問世間春幾許東風
開遍百巖花

題東坡竹

三百餘年屈指過猶於遺墨見東坡雖然數尺黃州竹寫出
平生直節多

五陵遊俠圖

白雪肌膚白玉鞍渾身俊氣許人看若知稼穡艱難處肯把
黃金鑄彈丸

過郝參政墓林

鮑仲華

茂林喬梓上干雲葉葉曾沾雨露恩萬古西山青不斷鳥啼
花落幾黃昏

題熨襪圖

練光帖雪光開倩得鄰姑熨未裁即在征途兒在眼十分
寒向意中來

秋夜懷崔府尹

銀河淡月微明花藥圃邊絡緯聲為問洛陽崔太守幾何
秋色在江城

次鉄雅先生送沈鍊師韻四首

會稽山前賀狂宅句曲洞口陶仙家參差樓觀五雲裏飛佩
時凌紫霞

詞章近接揚夫子丹術遙師魏伯陽昨日有書無犬送祗令
孤鶴遠傳將

白雲作衣霞作裾太平不愛紫金魚騎驢酒肆得佳句都向
琅玕節下書

郊齋門泊武湖航絕勝王家輅口莊明月滿天秋滿地碧簫
引鳳坐胡床

初春

僧無懷

暖信初迴宿草根茸茸漸可藉芳樽未須著意催花柳且為
乾坤補燒痕

梨園圖

釋見心

白雪吹香花滿城霓裳按曲度新聲東風催入漁陽騎一段
春愁画不成

趙子固水仙

凌波仙子白霓裳霧鬢風環試曉粧水殿宴歸春似海一簾
香露濕鳴璫

杏花春蝶士女圖

東風別院杏花開金鳥香消晝漏催睡起鈎簾看春色一双
胡蝶上衣來

紫霞山房為南昌魏晦初道士題

樹林深杳隔洪崖五色霞屏映日開錯認桃花源上路不知
真館是蓬萊

王冕墨梅

東越王郎兩鬢絲風流每說畫中師醉調墨汁三千斛寫遍
江南雪後枝

溪山歸棹圖

西風吹鴈楚天長兩岬青山木葉黃絕似洞拜湖上見一帆
秋色過衡陽

題扇贈史餘可

明月湖西越相家蓬萊三島隔烟霞水晶簾捲人如玉吟遍
芙蓉十丈花

題畫送傅鍊師歸上清

老去山中斲紫芝黃庭讀罷鶴歸遲秋光一片涼如水看到
天心月上時

題徽廟喜鵲圖

黃沙風急羨梨秋迴首中原淚暗流悞聽當時靈鵲語誰知
舊喜是新愁

春江白鷺圖贈方仲溫時遇金陵

歌別秦淮折柳枝蘼蕪春水綠生漪閑心一片滄浪月只許
沙頭白鷺知

題錢舜舉晉賢洗象圖

纓絡嚴身錦帕蒙波河誰識截沅澨金池浴罷蓮花水騎上
蛾眉第一峰

水犀幽禽圖

宴罷涼生水殿風滿林金粟攔搖空淮南人去秋香老啼殺
枝頭十二紅

題康郡馬所截飯牛圖

商歌誰歎不逢辰
功在三齊柏業新
自昔英雄豈屠釣
單衣莫笑飯牛人

唐子華山祿高士圖

苑堂開傍古松間
朝聽流泉暮看山
洗耳不談浮世事
秋聲一片白雲閑

趙仲穆春山曉思圖

樹色蒼涼曉欲迷
石門初日鷓鴣啼
桃花不隔秦人路
流出紅雲水漲溪

同朝天宮道士朝回口號二首

羽仙飛佩曉冷風
禪子金襴映日紅
共祝太平朝帝闕
蓬萊兜率五雲中

午陰初轉御橋邊
齋退從容出九關
天上好風重送喜
鑾輿

明日幸鍾山

偶題

無名氏

船向風波靜處拋
酒開新甕鮓開包
自從江上為漁父
三十年來手不抄

和林道中

沙葱近水根猶活
野韭經霜葉已乾
烟雨漫了沙漠了
不知何處是長安

文翰類選大成卷八十四

Blank page with faint bleed-through from the reverse side.

方正學印

Table with multiple columns and rows of text, including a vertical title on the right edge.

